



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Antonii Bynaei de Calceis Hebraeorum Libri Duo**

**Bynaeus, Anthony**

**Dordraci, 1682**

Hebræi, non nisi ob religionem, aut certum ritum nudipedes, alias calceati.

**urn:nbn:de:hbz:466:1-12835**

disputamus. Sed, an inter Judæos  
*ἀνυποδησία* usitata fuerit, qualem  
 in Spartanis, Atheniensibus, Ro-  
 manis observavimus, merito dubi-  
 tamus. Quin potius contendimus  
 istiusmodi *ἀνυποδησίαν* nunquam in  
 usu inter Hebræos veteres fuisse.  
 Sane nullum *ἀνυποδησίας* exemplum  
 legimus, nisi fuerit plane singulare,  
 & vel ob religionem vel certum  
 alium casum susceptum. Omnia,  
 quæ Vir Summus adduxit exempla,  
 non nisi peculiarem ob rationem  
 memorantur, satisque ostendunt  
 extra tales casus non incessisse nudis  
 pedibus Hebræos. Ostendimus lib. 2.  
cap. 5.  
 inferius, vel ob publicam calamita-  
 tem, vel luctum funeris, olim He-  
 bræos calceos deposuisse, atque in-  
 cessisse nudipedes, ac prolixè ex-  
 cutimus Davidis atque Ezechielis  
 exempla. Ut omnino id fuerit  
 alias insolitum. Pariter Jesaias, dum  
 jubetur ire nudus & discalceatus,  
 ut similem Chusæis atque Ægyptiis  
 nuditatem & discalceationem in  
 triennium portendat, satis osten-  
 dit id non in usu fuisse, magnamque  
 fore istorum populorum calamita-  
 tem. Berenices exemplum non ad  
 A 7 vulga-

#### 14 DE CALCEIS HEBRÆOR.

vulgatam Judæorum consuetudinem, sed certum religionis ritum pertinere, atque eo referendum Juvenalis versum, etiam inferius docemus.

Lib. 2.  
cap. 4.

VIII. Sane, si expressa Hebræorum monumenta consulimus, extra dubium erit, ipsos vulgari consuetudine jam ab antiquissimis temporibus incessisse calceatos. Moses, cum rubum ardentem tentaret accedere, calceatus erat. Nam stupendum illud ostentum propius intueri cupiens, audiit ilico vocem Dei, qui præcipiebat, *ut calce-*

Exod. 3. 5. *menta pedibus exueret.* Israelitas quoque, ex Ægypto virtute Numinis eductos, calceos in deserto Arabiæ gestasse, ex eo manifestum est.

Deut. 25. 10. quod prædicet Deus, se passum non esse, ut ipsis calcei per annos quadraginta deficerent. Pariter Josua calceatus fuit, cum exercitus Dei princeps ipsi appareret, prope mænia Jerichuntis. Idem enim ac Moses accepit mandatum

Ios. 5. 15. de calceis exuendis, *quia locus, in quo stabat, sacer erat.* Quin omnes Hebræos olim calceis usos ex eo patet admodum luculenter, quod